



Broj: 01-GV-02-1702-4.1/17

Datum, 12.12.2017.godine

GRAD SARAJEVO  
GRADSKO VIJEĆE

**Predmet: Odgovor na vijećničko pitanje gradskog vijećnika Adnana Talića, upućeno na Osmoj sjednici Gradskog vijeća Grada Sarajeva, održanoj 25.10.2017.godine**

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), na Osmoj sjednici Gradskog vijeća Grada Sarajeva, održanoj 25.10.2017.godine, **gradski vijećnik Adnan Talić**, uputio je **vijećničko pitanje** sljedećeg sadržaja.

- Zašto je Predsjedavajući Gradskog vijeća dozvolio obraćanje gospodina Stojnića Gradskom vijeću bez prethodne saglasnosti Gradskog vijeća, budući da je, po mišljenju ovog Kluba, postojala potreba da se Gradsko vijeće izjasni po tom pitanju?
- Zašto ste nastavili rad Gradskog vijeća poslije pauze, a da se Klub gradskih vijećnika "ASA", prije nastavka sjednice, nije vratio u salu Gradskog vijeća?

Na upućeno **vijećničko pitanje** daje se sljedeći odgovor:

Gospodin Denis Stojnić je u vrijeme obraćanja na sjednici Gradskog vijeća bio član Komisije za Statut i akte, koja je stalno radno tijelo Gradskog vijeća, pa je u tom svojstvu imao pravo obraćanja gradskim vijećnicima i ostalima prisutnim na sjednici.

Osim toga, diskusija imenovanog ticala se dnevnog reda sjednice i bila je vezana za tačku 4. „Prijedlog Odluke o razrješenju člana radnog tijela Gradskog vijeća Grada Sarajeva (Denis Stojnić)“ utvrđenog dnevnog reda Osme sjednice Gradskog vijeća. Imenovani je obrazložio da je razrješen dužnosti člana radnog tijela Gradskog vijeća Grada Sarajeva na vlastiti zahtjev.

Rad sjednice Gradskog vijeća je nastavljen po isteku odobrenih deset minuta pauze, koju je dozvolio Predsjedavajući Gradskog vijeća na prijedlog predsjednika Kluba gradskih vijećnika "ASA", a u skladu sa odredbom člana 74. stav 3. Poslovnika Gradskog vijeća Grada Sarajeva („Službene novine Kantona Sarajevo“, broj 28/09).

PREDSJEDAVALAČI GRADSKOG VIJEĆA

Dr. Igor Gavrić

Dostaviti:

- Gradskom vijeću
- Gradskom vijećniku Adnanu Taliću
- Evidenciji
- a/a

